



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Completens Constitutiones ab Innocentio XIII. & Benedicto XIII. editas

Luxemburgi, 1740

CLIV. De erectione decem Conventuum Fratrum Ordinis SS. Trinitatis
Redempt. Captiv. in novam Provinciam.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

XXX. Declaratis super quadam superius ordinata.

electionem Socius Provinciae Prior. Quod quicumque ordinantur tam de praesentia Capitulum Provincialium, quam de designando Praeside eorumdem per Ministrum Generalem intelligantur observanda, usque dum Sedes Apostolica concedat Ordini Nostro bipartitionem ad instar, illiusque datur in Religione S. Francisci, nam tunc ista spectabunt ad Commissarium Generalem electum ab illis Provinciis, quarum non sit Minister Generalis. Quod praecedentia diffinitorum Provincialium tam intra, quam extra Diffinitorium in propria Provincia censetur, & observetur conformiter ad illa quae nostrae Constitutiones disponunt pro Diffinitoribus Generalibus hoc uno excepto, quod Diffinitor Generalis praesens praecedat quemcumque Diffinitorem Provincialem. Quod Ministro Conventuali absente, regimen Conventus pertineat ad Diffinitorem Provinciae quemadmodum juxta Nostras Constitutiones pertinet ad Diffinitorium Generale, excepto dumtaxat casu, quo Diffinitor Generalis praesens inveniatur in Conventu, nam tali casu per prius attinebit regimen ad Diffinitorium Generale secundum easdem Constitutiones. Quod cum in Conventu adest Provincialis, aut Diffinitor Generalis debent accipere benedictionem, & Socium a Provinciali, & hoc absente a Diffinitore Generali, & in utriusque absentia a Ministro Conventuali, qui licentiam denegare non valeat, & in casu, quo per absentiam Ministri praesens in Conventu Vicarius, qui praecedat etiam illo eventu a Diffinitore Provinciali, iste poterit exire nulla petita benedictione, & associare quem ex Religiosis maluerit, dummodo non sit Officialis Conventus, qui de aliis rebus curare teneatur. Quod Provincialis in fine sui triennii, & ante Capitulum visitet Provinciae Diffinitores, inquirendo de iis, quae eorum personas, & mores concernunt, & novum Diffinitorium Provinciale visitet praeteritos Diffinitores Provinciales in spectantibus ad Diffinitorium Officium.

XXXI. De praecedentia Diffinitorum.

XXXII. Ad quem pertineat regimen Provinciae, absente Ministro Conventuali.

XXXIII. A quo accipienda benedictio.

XXXIV. De visitandis Diffinitoribus.

XXXV.

XXXVI.

XXXVII.

XXXVIII. In obtinendis officiis filii Provinciae praeferrantur.

Preces Procuratoris Generalis.

§. 7. Quod si novum Diffinitorium id praecipiat, Pater Provincialis suum praedecessorem visitare teneatur casu, quo remaneat subjectus, & nisi fuerit prius visitatus intra triennium a Ministro Generali, vel ab illius vices specialiter habenda. Et talis visitatio facienda est tam de spectantibus ad personam praefati Provincialis, quam de concernentibus officium Provincialatus, & remittenda est Diffinitori Generali illius Provinciae, ut illam praesentet in Diffinitorio Generali. Quod Minister Generalis ad instantiam Diffinitorii, aut majoris partis illius, sive ad instantiam sex Provinciae Ministrorum possit dirigere & nominare Visitatorem specialem, qui erit semper assumendus de Religiosis filius illius Provinciae, nisi instantia, vel petitio talis Visitatoris contrarium postulet. Quod Diffinitoribus actualibus & praeteritis Provinciae fieri debeant in sua Provincia eademmet suffragia constituta pro Diffinitoribus Generalibus. Quod, ut possint obtinere officia Provinciae reputentur illius filii non solum in ea professi, sed etiam omnes illi, qui ante ejus erectionem in Provinciam functi sunt aliquo officio, aut praesiterunt in illa Conventuales, necnon illi, quos Minister Generalis in tali Provincia incorporaverit conformiter ad Nostras Constitutiones, quod ultimum non nisi raro, & ex gravi causa utique fiat.

§. 8. Cum autem, sicut eadem expositio suo-jungebat praedictus Michael Procurator Generalis Decreta hujusmodi quo firmius subsistant, & serventur exactius, confirmationis nostrae patrocinio communiti summopere desideret. Nos ipsius Michaelis Procuratoris Generalis votis hac in re quantum cum Domino possumus favorabiliter annuere volentes, & a quibusvis excommunicationis, suspensionis, & interdicti, aliisque Eccle-

siasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, Decreta praesentia a memorato Diffinitorio Generali stabilita, & ordinata, ut praefertur, cum omnibus, & singulis in eis contentis auctoritate Apostolica, tenore praesentium confirmamus, & approbamus, illisque inviolabilis Apostolicae firmitatis robur adjicimus, ac omnes, & singulos Juris, & facti defectus, si qui desuper quomodolibet intervernerint, supplemus.

§. 9. Decernentes easdem praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quancumque spectabit, in omnibus, & per omnia plenissime suffragari, & ab eis respective inviolabiliter observari: Sicque in praemissis per quoscumque Judices ordinarios, & Delegatos, etiam Caesarum Palatii Apostolici Auditores, judicari, & definiti debere; ac irritum, & inane si secus super his a quocumque quavis auctoritate scienter, vel ignoranter contigerit attentari.

§. 10. Non obstantibus praemissis, ac Constitutionibus, & ordinationibus Apostolicis, necnon quatenus opus sit Congregationis, & Provinciae, etiam Juramento, Confirmatione Apostolica, aut quavis firmitate alia roboratis statutis, & consuetudinibus; privilegiis quoque, Indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, ac ad verbum insertis habentes, illis alias in suo robore permanens ad praemissorum effectum hac vice dumtaxat specialiter, & expresse derogamus, caeterisque contrariis quibuscumque.

§. 11. Volumus autem, ut earundem praesentium literarum transumptis, seu exemplis, etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ubique locorum tam in Judicio, quam extra illud habeatur, quae ipsis praesentibus haberetur, si forent exhibitae, vel ostensa.

Datum Romae apud S. Mariam Majorem sub annulo Piscatoris die IV. Augusti MDCCXXXVII. Pontificatus nostri anno Quarto.

Eriguntur decem Conventus Fratrum Ordinis Sanctissimae Trinitatis Redemptionis Captivorum in Novam Provinciam.

Nova Provincia in Regno Poloniae pro Fratribus ejusdem Ord. erecta fuit alia hujus Const. ed. 1726. Jan. 21. P. 2.

BENEDICTUS PAPA XIII. Ad perpetuam rei memoriam.

Scrofancti Apostolatus officium humilitati nostrae per ineffabilem divinae bonitatis abundantiam nullo licet meritorum nostrorum suffragio commissum salubriter exequi adjuvante Domino jugiter fatigentes Religiosorum virorum Altissimi obsequii sub arctioris disciplinae Instituto mancipatorum, uberesque bonorum operum fructus in Ecclesia Dei adspirante divini favoris auxilio proferre assidue studentium Statui, & felici directioni consulere peculiari sollicitudine studemus, sicut Nos omnibus matura considerationis trutinam perpensis ad Omni-

potentis

Confirmatio relationum Decretorum.

Clausula.

Derogatorio.

Fides habenda transumptis.

CLIV.

Dat. 14. Aug. 1727. Ann. 4.

Procedimus.

Derogatoria.

potentis Dei gloriam, ac Religionis, piorumque operum incrementum, & felicem progressum expedire in Domino arbitramur.

Causæ, quibus impulsus Pontifex ad huiusmodi erectionem.

§. 1. Cum itaque sicut dilectus Filius Michael a Sancto Josepho Commissarius Generalis pro Italia, ac in Romana Curia Congregationis Hispaniarum Ordinis Fratrum Sanctissimæ Trinitatis Redemptionis Captivorum Discalceatorum nuncupatorum Procurator Generalis Nobis nuper exponi fecit, dicta Congregatio plures Conventus nempe Viennen., Illeben., Possionien., Tirnaricen. in Austria, Comoronien., & Agrien. in superiori, & inferiori Hungaria, Pragen. in Bohemia, Albæ Carolinæ in Transilvania, Belograden. in Servia, Salsanien. in Moravia, & Hospitia; sive residentiam Constantinopolitanam fundaverit, & in quibus non solum regularis viget observantia cum magna fidelium ædificatione, verum etiam Collegia insignia pro studiis Religiosorum ejusdem Ordinis, necnon ampla, & aptissima domus pro educatione Novitiorum stabilita reperiantur atque insuper in illis partibus dicti Religiosi magno zelo piissimo instituto Redemptionis Captivorum incumbunt, quorum ingentissimum numerum brevi annorum cursu ab oppressione, & Tyrannico Infidelium jugo liberarunt, multis, ac copiosissimis in partibus Turcarum, & Tartarorum Redemptionibus factis, extractoque Constantinopoli ad hunc effectum commodo dicti Ordinis Hospitio pro levamine, ac promptiori, & opportuniori redemptionis Christianifidelium sub Paganorum servitute degentium, dictus vero Michael Commissarius, & Procurator Generalis Conventus huiusmodi in novam dicti Ordinis Provinciam adinstar aliarum ipsius Ordinis Provinciarum a Nobis erigi plurimum desiderat: Nobis propterea humiliter supplicari fecit, ut in præmissis opportune providere, & ut infra indulgere de benignitate Apostolica dignaremur.

Preces Commissarii Generalis.

§. 2. Nos igitur ipsius Michaelis Commissarii, & Procuratoris Generalis votis hac in re quantum cum Domino possumus, favorabiliter annuere volentes, huiusmodi supplicationibus inclinati, memoratos Conventus in novam Ordinis prædicti Provinciam, quæ ab uno Superiore Provinciali, aliisque officialibus juxta Constitutiones ejusdem Ordinis auctoritate Apostolica approbatas eligendis, & assumendis regi, & gubernari debeat, itaut ipsa nova Provincia, illiusque Superior Provincialis, cæterique officiales, & Fratres pro tempore existentes, omnibus, & singulis privilegiis, juribus, præminentis, prærogativis, honoribus, gratiis, & Indultis, quibus alia dicti Ordinis Provincia tam de Jure, usu, & consuetudine, quam alias quomodolibet utuntur, fruuntur, & gaudent, ac uti, frui, & gaudere possunt, & poterunt in futurum pari modo, & absque ulla prorsus differentia uti, frui, & gaudere libere, & licite possint, & valeant, auctoritate Apostolica tenore præsentium perpetuo erigimus, & instituiamus.

Erectio prædicta.

§. 3. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit in omnibus, & per omnia plenissime suffragari, & ab eis respective inviolabiliter observari: Sicque in præmissis per quoscumque Judices Ordinarios, & Delegatos, etiam Caesarum Palatii Apostolici Auditores, ac S. R. E. Cardinales, etiam de Latere Legatos, & Apostolicæ Sedis prædictæ Nuncios, aliosve quoslibet quacumque præminentia, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiti debere; ac irritum, & inane, si secus super his a quoquam quavis auctoritate scienter vel ignoranter contigerit attentari.

Clausula.

§. 4. Non obstantibus præmissis, ac Constitutionibus, & Ordinationibus Apostolicis, necnon quatenus opus sit Congregationis, & Ordinis, etiam Juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores, præsentibus pro plene, & sufficienter expressis, ac ad verbum inferis habentes, illis alias in suo robore permanentibus ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 5. Volumus autem, ut earumdem literarum transumptis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum tam in Judicio, quam extra illud habeatur, quæ ipsis præsentibus haberetur, si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die XIV. Augusti MDCCXXVII. Pontificatus Nostri Anno IV.

Fides habenda transumptis.

Statuitur, ut nemo Testamentum conficere in partibus Indiarum valeat, quin aliquam elemosynam applicandam Monti erecto pro animabus Purgatorii relinquat.

CLV.

Alia hujus Const. ed. 1727. Mar. 11. P. 4. confirmata fuere privilegia, & Indulgentiæ personis Terræ Sanctæ concessa.

BENEDICTUS PAPA XIII.

Dat. 20. Aug. 1727. An. 4.

Ad futuram rei memoriam.

§. 1. Alias nomine Charissimi in Christo Filii nostri Philippi Hispaniarum Regis Catholici Nobis exposito quod cum in oppido Marriti Toletan. Diocesis quidam Mons Pietatis pro Animabus in Purgatorio existentibus, cui ipse Philippus Rex pro illius stabilitate, & augmento nonnullas gratias concesserat, erectum fuisset, eique Dilectus Filius Franciscus Pigner tunc illius Capellanus, dictique Montis administrator generalis magnam utilitatem, quæ a tam pia erectione proveniebat, retulisset, verum enim anno 1723. octoginta millia circiter, & sequenti anno septuaginta millia ducatorum monetæ illarum partium distributa essent & ex eadem Montis erectione centum triginta septem mille centum viginti tres Missæ pro earundem Animarum purgantium suffragio celebratæ, ipse Philippus Rex hoc sanctum opus in dies augeri exoptans, ut in Testamentis, aut in ultimis voluntatibus incolarum istorum Regnorum Indiarum aliquod subsidium pro dicto Monte relinqui deberet cum concessione, etiam alicujus Indulgentiæ, pro illis, qui subsidium huiusmodi Testamento, aut ultima voluntate legassent, & aliquam elemosynam in hoc opus contulissent a Nobis injungi desiderabat.

Refertur erectio, & progressus prædicti montis.

Preces Philippi Regis Hispaniarum.

§. 2. Nos Venerabilibus Fratribus Archiepiscopis, & Episcopis Indiarum Occidentalium, ut Populos sibi subiectos excitarent ad devotionem relinquendi in suis Testamentis aliquid sibi benevolum favore prædicti Montis, ut de suffragiis, quæ cum dictis elemosynis celebrabantur, participare possent, auctoritate Apostolica insinuavimus, quo vero ad petitas Indulgentias negotium ad Congregationem Venerabilium Fratrum Nostrorum S. R. E. Cardinalium Sacris Reliquiis, & Indulgentiis præpositorum remisimus, & alias prout in nostris literis desu-

Alia hac de re ab hoc Pontifice expeditæ Litteræ.